

From

Synod Literature & Publication Board
Synod Press Building (Top)
Aizawl – 796 001, Mizoram
Phone : 2324590



RAM PUMAH PRESBYTERY INKHAWMPUI HMAN A NI

*** Aizawl khawpui chhung Presbytery parukah Kohhran Upa nemngheh thar 49 an awm**

Ruahman lawk angin Mizoram Presbyterian Kohhran Synod hnuaiia Presbytery 40 zinga 38 chuan October ni 7-10, 2010 chhung khan Inkhawmpui an hman a. Inkhawmpui tan ni leh Committee pawimawh thut niah khawchengin hmun thenkhatah a thlengtu inbuatsaihna tibahlah deuh mah se, rorelna chu tluang takin kalpui vek a ni a. He thu buatsaih lai hian Aizawl khawpui pawn lam Presbytery rorel Minute dawn kim hman a la nih loh avangin hriat theih chin Aizawl khawpui chhung Presbytery parukte chanchin lak khawm a ni a. Heng Presbytery parukahte hian Kohhran Upa 49 nemngheh thar an ni a, Presbytery danga Upaa lo nemngheh tawh, awm hmun sawn, tuna an awmna Kohhranin Upaa a thlan leh, Presbytery-in Upaa puan thar mi pathum an awm a; Probationary Pastor hna dil 24 an awm bawk. Aizawl khawpui chhung Presbytery parukin Synod Inkhawmpuia kal zel tur leh Synod Committee-a rel tura an chhawpte chu hetiang a ni :

Aizawl Central Presbytery a t a n g i n -

1. Biak In chhung inchei dan tur kaihhruaina siam rawtna.
2. Synod hnuaiia thawktute latu committee Recruitment Board siam rawtna.
3. Central Kohhran Hmeichhe Project WomEn Centre sak tanpuina pek rawtna.
4. Ordained rawngbawltute media kaltlanga inhniaalna tihtawp dan ngaihtuah rawtna.
5. Masihi Sangati Convention tanpuina tihpun rawtna.

Aizawl Bethel Presbytery a t a n g i n -

1. Synod hnuaiia hnathawktute leh Kohhran rawngbawltute zingah sum chungchanga hminghliauna neite chu Kohhran Inkhawmpui hotu pawimawh leh rawngbawlina langsar dangah ruat leh dah loh rawtna.
2. Kum 2001 Synod Inkhawmpui General 11-nain kan ram mamawh college din tura a rel tawh, chak zawka tihhlawhtlin dan tur ngaihtuah rawtna.
3. Pavalai hi Synod-in hriatpuia, a kaihhruaina pawh siam rawtna.
4. Synod-in Sikulpui lak let leh rawtna.
5. Heng bakah hian '*KTP din kum ennawn rawtna*' chu SEC-a thlen tura tih a ni a; '*Pro. Pastor lak dan en that rawtna*' Pastoral Committee-a thlen turin an rel bawk.

Aizawl Chhim Presbytery a t a n g i n -

1. "PCI General Assembly-a Administrative Secretary-te term kum li chhung ni thin kum thum tih tawh tura rawtna.
2. Home Mission (South) hnuaiia Kohhran School remchanga High School Section hawn rawtna.
3. Pavalai inkaihhruaina mumal a awm theih nana kawng zawn rawtna.
4. Heng bakah hian '*Commercial Gas Cylinder hman tura Kohhran tih a ni leh Buhfai tham tehna atana bukna hman tura Sorkar thupekten Kohhran huamtirte chu huamtir lo tura rawtna*' leh '*Synod Partnership Committee siam dan phung en that rawtna*'-te chu SEC-a thlen tura tih a ni.

Aizawl East Presbytery a t a n g i n -

1. VBS kan kalpui dan en that rawtna.
2. SL&PB lekhhabu chhuahte hi dik taka chhut rawtna.
3. Ramthar Field-a thawt tur Pastor lakte hi a tir atanga uluk taka buatsaih rawtna.

Aizawl Hmar Presbytery a t a n g i n -

1. Bru zinga rawngbawlina en that rawtna.
2. PCI General Assembly-a Secretary inthlak dan tihdanglam rawtna.
3. Pathian biak inkhawma awm dan mawi inzirtir rawtna.

phêk hnihna thlûr hnihnaah zawm a ni



Editorial Staff

Rev. Thangzauva Upa H. Ronghaka
Rev. B. Lalngkhakliana
Upa C.H. Thangkhuma

Kum pui a lo vei leh dawn hnai ta a. Kan hnathawh leh eizawna kawng hrang hrang kan zawhna kawngah kan tihchhiat deuh emaw, kan tih that ve deuh emaw pawh a lang Chiang tawh hle. Kan tuh rah pawh a chhia a thain kan seng mek a. Chung chuan hlimna leh lawmna emaw, lungngaihna leh inchhirna emaw min neihtir a. Hun tlem tê kan la neih lai hian insiam thatna tur kan neihna laite inbih lêt ila, muang lovin kawng tha zawh turin i inbuatsaih ang u.

**SYNOD OFFICE BUILDING THAR
NOVEMBER 11-AH HAWN THEIH BEISEI**

Kum li dawn lai sak a nih hnuin Synod Office building thar, Mission Veng, Aizawla mi chu November 11, 2010 chawhnu dar 2:00-a hawn tura ruahman a ni. Hawna Programme tlangpui hetiangin duan lâwk a ni:

Hawngtu : Rev. C. Chawngliana, Synod Moderator
Hruaitu : Rev. Vanlalzuata, Sr. Executive Secy.
Reports : 1) Rev. Zosangliana Colney, E/S
2) Dr. Lalbiakmawia Ngente (Technical Report)

Zaipawl : Mizoram Synod Choir

Hlanna leh

Thuchah : Synod Moderator

Lawmthu sawi : Upa Vanlalthuma, Synod Secretary

LAWMTHU SAWINA

Missionary Training College tihchangtlunna atana Kohhran, Bial, K. T. P., Kohhran Hmeichhia leh Presbytery aţang tea Magazine, Souvenir, etc. min pek te kan lo dawng zel a, petute zawng zawng chungah lawmthu kan sawi e.

Ngenna thawn chhuah mek zel a ni a, la pe remchang lo tan pawh pek theih reng a ni. Pek tur la nei lote pawhin in neih remchan hun huna min pek zel kan beisei.

(REV. K. LALRINKIMA)

Principal

Missionary Training College
Mission Vengthlang, Aizawl

...phêk khatnaa mi zawm

4. Synod hnuiaia Dept. hrang hrangte rualkhai zawka an kal theihna tur kawng zawm rawtna.
5. Orissa State-ah Mission Field thar hawn rawtna.
6. 'Synod hnuiaia thawktute zirna sang zawka zir lehte enkawl dan inang tlanga kalpui rawtna' chu SEC-a kal tura tih a ni a; 'Kâwlho zinga rawngbawl tur Kâwl tawng thiam Pastor rawih rawtna' chu Synod Mission Board-a kal tura tih a ni bawk.

Aizawl West Presbytery aţangin -

1. Synod Ramthar rawngbawlna sawt zawka kalpui a nih theih nan Research & Evaluation neih rawtna.
2. Secular College din dan ngaihtuah rawtna.
3. 'Missionary lak tharte, contract pawh ni se, Synod Mission Board-in Missionary an thlahte zingah telh ve thin rawtna' chu Synod Mission Board-a kal tura tih a ni.

Aizawl Hmar Presbytery Moderator Elect, Rev. R.C. Zokhuma, Zemabawk, June 17, 2010-a a thih avangin a aiawh tura Presbytery Nomination Committee-in a ruat Rev. Dr. Vanlalchhuanawman Moderator mawhphurhna a la a; Aizawl khawpui chhunga Presbytery dangah chuan hetiang a Puipa tihdanglam ngai an awm hriat a ni lo. Presbytery rorel pawh tluang taka neih theih vek a ni a; Pathian biak inkhawm boruak pawh a nuam a; lam tual khata lam mup mupna pawh a awm nual a; palaiten manhla an ti hle.

PRESBYTERIAN HOSPITAL HRIATTIRNA

Presbyterian Hospital Durtlang chuan Orthopaedic Surgeon Dr. Lalrinliana Varte a nei thar a. Ani hi Thawhtanni Durtlangah, Inrinniah Dr. Fraser's Clinic, Mission Vengah rawn theih a ni ang.

(DR. LALREMTHANGA)

Director,

Presbyterian Hospital

HRIATTIRNA

Hmangaihna In, Durtlang chu naupang 50 awm theihna tura tihlen a ni ta a. Nau hnuchham leh harsatna chi hrang hrang avanga enkawltu nei lo Kum 1-4 thleng enkawlina a ni a. Mamawhtute tan pan theih a ni e.

Lehkha ken ngai te

- 1) Kohhran Lehkha/VC/YMA/MHIP
- 2) Nau chech up-na lehkha, Blood Test result
- 3) Hri danna pek tan tawh a nih chuan a card ken tur

(LALRINKIM)
General Secretary



Thian zaho lo kal dal dalte chuan Râl Vêngtu hnenah, “Râl Vêngtu, kan ram Kristiante min hmuh dan zêp nei hauh lovin min han hrilh teh,” an ti a. Râl Vêngtu chuan, “Hengte hi lo hre phawt mai ula, inbih chian nan lo hmang ta che u,” a ti a.

Berampu dang nei chuang si lova berampu ngainep te, mahni ropuina khêl te; Zion khawpui khelmual ațanga khelmual dang siam tuma, chuta ball petpui tur team hran buatsaih te; chu thlarau buh zêm ațanga chakna laa, sawi chhiat ching leh si te; bang phên Kristian intelligent tih mai tur - a châng a beram huang fel lohna leh dik lohna Chanchin Țha bera hmang ta hlauh te an awm. Heng mite hi kêl thlah pawlh an ang ber mai.

Kan ram Kristian thenkhat chu beng zâ, mit lêt, rilru vir, inggaihtlawmna chapopui, mangan changa Kohhran bel, endiktu-a inggai, intirau em em, mahni thu duh, mi chungtlâk rân mai, lawmna rêng nei lo ni âwm takte an ni a. Chutih laiin mi Țha - mi dangte hriat thiamna ngah leh dawhthei, Țawngtai mi, Lalpa leh a Kohhran bel tlata, rilru leh nun thianghlim neitu tam tak an awm. Chung chuan chenho an tinuam a, lei Kohhran hi Van Kohhran nen a inzawmtir.

BIBLE HLA INPHUAHSIAK

Bible Society kum 200 tlin lawmna chi khat atan Bi-Centenary Celebration Music Committee chuan a duh apiang tan BIBLE lam hawi Hla Inphuahiakna a siam a, hetiang hla hi kan neih tam loh avangin rawngbawlnaa ngaia tel Țheuh turin Kohhran mite kan sâwm a ni.

Lawmman : Pakhatna - Rs. 8,000/-
 Pahnihna - Rs. 5,000/-
 Pathumna - Rs. 3,000/-

Hriat turte

1. Hla Inphuahiak tur Subject hi BIBLE lam hawi tur a ni.
2. Thunawn nei a nih chuan châng thum aia tlem lo, chang li aia tam lo tur a ni.
3. Thunawn nei lo a nih chuan chang thum aia tlem lo, chang nga aia tam lo tur a ni.
4. Hla hi Solfa kim, Full Harmony (S.A.T.B - Four Parts Harmony) a dah tur a ni.
5. Hla thluk awmsa hman awih a ni lo.
6. Hla phuahu hian a thluk mi dang a siamtir thei ang a; mahse, a thluk siamtu hmung erawh tarlan a ni ve lo vang.
7. Hla phuahu hian November ni 15, 2010 aia tlai lovah Bible House, Khatla-ah a theh lut tur a ni.

(R. LALREMRUATA) Secretary
 (UPA RINZAWNA) Chairman
 Bi-Centenary Celebration Music Committee

**PRESBYTERIAN HOSPITAL, DURTLANG
 SEPTEMBER 2010 CHHUNGA THIL DAWNTE**

I. Charity Fund

- | | | |
|--|-----|------------|
| 1. K.T.P. Saiha Pastor Bial, New Saiha | ... | Rs. 1,000 |
| 2. K.T.P. Teikhang Pastor Bial | ... | Rs. 1,000 |
| 3. Keifang Kohhran Hmeichhia | ... | Rs. 5,000 |
| 4. Pu R. Lalringliana, Mission Vengthlang | ... | Rs. 1,500 |
| 5. David Guite, Architech | ... | Rs. 58,254 |
| 6. Pi Lianghinglovi, Zarkawt | ... | Rs. 5,000 |
| 7. Zemabawk Bial Mission Deptt. UPC(NEI) | ... | Rs. 3,000 |
| 8. Pu Saithanga, Senior SP, Dawrpui Vengthar | ... | Rs. 10,000 |
| 9. Hming thup | ... | Rs. 1,500 |

TOTAL ... **Rs. 84,754**

II. Thisen petute

- | | | |
|--------------------------------|-----|-----------------|
| 1. Y.M.A, Venghnuai Branch. | ... | 56 Units |
| 2. K.T.P. Bethlehem Vengthlang | ... | 43 Units |
| TOTAL | ... | 99 Units |

III. Thil dang

- | | | |
|---|--------------------------------|--------------|
| 1. K.T.P. Hmunsam Branch - Chapel Thutthleng atan | Rs. 4,000 | |
| 3. Ramhlun South Presbyterian Kohhran - Golden Jubilee pualin:- | | |
| 1)Vawksa 60kgs. | 2) Arsa 20kgs. | 3) Tel 3lts. |
| 4) Buhfai 1bag | 5) Pawisa Rs. 500.00 | |
| 4. Sialhawk Pastor Bial Kohhran Hmeichhia | Tuilum ip 10 | |
| 5. Sister C. Lalthangpuii | Wall Clock 1 | |
| A pasal C. Zonunsanga hriat reng nan | | |
| 6. Pi Thanzuali Tochhawng- | Water Filter 1 | |
| Gospel Centenary School Mission Veng | | |
| 7. Darlung Pastor Bial K.T.P. | Thutthlengsei (Bench) 6 | |
| 2. Pu Kapkunga, Durtlang Leitan - Ama lehkhabu siam, | 'Bible-a thupuan chhuah awmzia | Bu 5 |

Thilpek min petu zawng zawng chungah Pathian hmungin lawmthu kan sawi tak meuh meuh a ni.

Sd/-
 (Rev. C.LALBIAKHLUNA)
 Chaplain
 Presbyterian Hospital

KOHRAN TE HNENA NGENNA

Kohhranhoten Camping/Crusade-a rawngbawltu Synod Revival Speaker-te rawih kan duh hian mahni duhzawng Speaker-te be hmasa lovin Speaker-te Programme neih dan hre chiang bertu leh programme siamsaktu Synod Revival Office lam biak hmasak ni thei sela a lawmawm hle ang. Tin, SEC chuan a theih chenah duh thlan bik neih loh ni se, a ti a. Amaherawhchu, Kohhranten Speaker duh bik tak neih theih a ni a, chutiang inrawn nei a nih pawhin hmun dangah programme lo pek tawh a awm thei fo va, in duh thlan a remchang lo thei a. Chuvangin 'Speaker remchang dang apiang' tihrawn ziak tel theih ni se, a lawmawm khawp ang.

(REV. R. LALCHAGLIANA)
 Director, Synod Revival



Mualkhang Kohhran chuan ni Aug. 26-28, 2010 chhung khan Jehova Jire Team Speaker, P.C. Vanlalnglaki ruaiin Crusade leh Zirtawpni leh Inrinni chhun Camping an buatsaih a, Kohhranho an hlim hle. Hnung tawlh mekte leh Sakawlh chungchanga zirtirna dik lo avanga thlaphang mekten chhan chhuahna an chang a, an lawm hle.

Champhai Bethel Kohhran chuan Aug. 17, 2010 - Sept. 5, 2010 chhung khan R. Lalrinsanga, Speaker, Gospel Deliverer's Team ruaiin Camping chhawng li leh naupang pual Lâng Camp an buatsaih a, mi 420 an lut. Kohhran pawl dang (BCM, ZBC, IKK, UPC leh AG) atanga lut an awm bawk. Kohhranho an hlim hle a, Kohhran pawl dang atanga Presbyterian Kohhrana pakai mi pang a an awm.

Muanna Veng Kohhran chuan ni 23. 8.2010 - 5.9.2010 chhung khan Upa Vanlalzuia, Speaker, Church Revival Team ruaiin Crusade leh Camping wavi khat leh naupang Lâng Camp an buatsaih a, camp chhuak lawmna ni pah fawmin Pu Engchinthanga ten Pathian Chawimawi nan wawk an pe a. Pathian hnathawh ropui tak avangin Biak In thleng phak loten inkhawm, zing tawngtai inkhawm an ngaina thar a, Kohhranho an lawm hle.

Mamit Bazar Veng Kohhran Biak In chu kumin fur laia an veng lei che nasa tak avangin September 22, 2010 khan thiah a ni a, Sunday School Hall pawh hman zui theih loh khawpa a chhiat avangin thiah nghal a ni bawk. Mamit Bazar Veng Kohhran hi T. Upa C. Lalthansanga inah September 25, 2010 atang khan an inkhawm rih a, a thar hlaka Biak In tur an ngaihtuah a ngai leh ta a ni. An vanduin tawh avang hian Sairang Kohhranin Rs. 10,000/- in an tanpui a, Mamit Bial Kohhran Hmeichhiain Rs. 5,000/- in an tanpui tawh bawk. Anmahni lainata thilpeka tanpuitute leh tawngtaipuitute hnenah Kohhranin lawmthu an sawi

Darlawn Chhim Veng Kohhran chuan ni 7.8.2010 - 19.9.2010 chhung khan Gospel Meichher Team Speaker, Tv. Laldinthara ruaiin Camping wavi ruk leh naupang Lâng camp wavi hni an buatsaih a, mi 611 zet an lut. Kohhran pawl dang atang pawhin mi 251 an lut a ni. Follow-up Programme pawh Darlawn Chhim Veng Kohhran bakah Darlawn Kohhranah te neih a ni bawk. Camper-ten khawlai fangin hnehna an puang chhuak a, Darlawn khawtlangah Pathian hnathawh nasa takin a lang a, Kohhran an hlimin khawtlang boruak pawh a nawm phah hle a ni.

Bungtlang Bazar Veng Kohhran chuan ni August 28 - 12.9.2010 chhung khan Pathian Thuruk Enkawltu Team te bawk ruaiin camping an buatsaih a, mi 415 zet an lut. Kohhranah Pathian Thlarau hnathawh ropui tak a thleng a, lawmna ruai thehin Pathian chawimawina hun an hmang a, Kohhranhoten malsawmna ropui tak an dawng a, lawmawm an ti hle.

Lungchhuan Kohhran chuan July leh August 2010 chhung khan N. Vanlaiphai Bialtu Pastor, Rev. H. Zalianchama leh Ngaihdamna Changtute Team ruaiin Crusade leh Lâng camp an buatsaih a, Kohhranah Pathian pawl tharna an chang a, Kohhranhote an hlim hle. Crusade chhung hian Pathian hnena lawmthu sawina leh Chawimawina hun Inrinniah a zawnin tum sarh neih a ni a. Kohhranhoten tisa leh Thlarau lam ruai hlim takin an kil ho thin a ni.

Champhai Zote Kohhran chuan ni 9-29.8.2010 chhung khan, Upa Vanlalngaia, Speaker, Krista Thiante Team ruaiin Camping chhawng thum

an buatsaih a, mi 249 an lut a, Kohhranin a hlawkpui hle. Kohhranin Pathian hnena lawmthu sawina ruai a buatsaih a, hlim takin an kil ho. He camp rawngbawlina chhunzawm hian Pu Zarzoliana, Speaker, Siamtharlehna Team ruaiin Follow up Programme/Crusade ni 31.8.2010 - 5.9.2010 chhung neih chhunzawm a ni a, Kohhranin an hlawkpui hle.

Reiek Kohhran chuan August 2010 chhung khan, Upa Denghmingthanga, Speaker, Saltang Chhuahtu Team ruaiin Camping chhawng thum an buatsaih a, mi 485 an lut. Kohhranhoten Pathian Thlarau Thianghlim pawlna leh siam thar lehna hlimawm tak an chang a, khawtlang boruak pawh a tidanglam hle. September 10&11.2010 khan Kohhranin Pathian hnena lawmthu sawina leh Chawimawina Inkhawm a buatsaih a. Inrinniah ruai buatsaihin rawngbawltute leh Kohhranhoten hlim takin chawhlui an kil ho.

RAWNGBAWLNA HNA RUAK

Presbyterian Communications Department (Synod Press) atan PRESCOM Assistant III contract-a thawk tur Computer Word Processing & Graphic lam thiam mamawh a ni a. Ni 15. 11. 2010 ral hmian a hnuaia hmang ziaik hnenah hian HSLC leh a chung lam tan dil theih a ni e.

Written &

Practical Exam hun : Ni 19.11.2010 (zirtawpni) dar 10:00 a.m.

A hmun : Synod Conference Centre

(UPA F. LALSANGLIANA)

General Manager

Presbyterian Communications Deptt.

SAWMNA

☞ **Vanbawng Kohhran** chuan October 27-31,2010 chhung hian kum 100-na (*Centenary*) a lawm dawn a. Hemi hmanpui tur hian Pastor leh Pro. Pastor he khuaa lo awm tawh te, Missionary te, Kohhran mi hmun danga awm tawhte zawng zawng an sawm.

☞ **Presbyterian Kohhran Lunglei Farm Veng** chuan ni 2&3.11.2010 hian an kohhran Silver Jubilee ruai nen an lawm dawn a. He Kohhrana lo lawi tawh zawng zawngte Jubilee lawmpui turin an sawm a, a kal thei turte chuan Phone No. 9436371872-ah hian inhriattir tur a ni ang.

☞ **Khuangthing Kohhran chuan** November 5-7,2010 hian an kum 100-na (*Centenary*) an lawm dawn a, Khuangthing Kohhrana lawi tawh zawng zawngte he hun hmanpui tur hian an sawm a ni.

☞ **Sumsuih Kohhran chuan** 8-14.November.2010 chhung hian kan Kohhranin Kum za (100)-na'Centenary lawm kan tum a. He hun hlu tak min hmanpui tur hian Sumsuih Kohhrana lo lawi tawh zawng zawngleh Pastor lo awm tawhte kan sawm.